

## Paasissutissat illersorneqarneri

---

**Paasissutissanik akisussaasoq:**

Qeqqata Kommunia  
Makkorsip Aqquserna 2  
3911 Sisimiut  
Kalaallit Nunaat  
CVR-nr. 31290945

## 1. Aallaqqaasiut

- 1.1 Una inunnut paasissutissanut politikki (matuma kingornatigut "**Politikki**"-mik taaneqartoq) nassuiaavoq, qanoq Qeqqata Kommunia (matuma kingornatigut taaneqartoq "**uagut**"), kommunimi suliasatsinnik suliarinninnitsinnik ilaasutut innuttatsinnik kommunimi suliasaatsinnik, sullissinitsinnik kiffartuussinitsinnillu suliarinninnitta ilaatut ilinnut inunnut paasissutissat suliarigivut.
- 1.2 Politikki oqaasertalersorneqarpoq aammalu pissarsiariuminartinneqarluni Inunnik paasissutissanik suliarinnittarneq pillugu inatsisip Kalaallit Nunaanni atuutilersinneqarnera pillugu peqqussut 14. oktober 2016-meersoq (kingorna "**Kalaallit Nunaanni inuit pillugit paasissutissanut inatsit**"-mik taaneqartoq) aammalu paasissutissiisussaaitaanermi malittarisassat naammassiniarlugit.

## 2. Inunnut paasissutissat suussutsit suliarineqartut

- 2.1 Suliami ilinnut tunngasumi suliaqarnermut atatillugu Qeqqata Kommuniani immikkoortortat tamarmik annerusumik minnerusumilluunnit inunnut paasissutissanik suliaqartarput. Illit pillutit suliasap suliarinissaanut pisariaqartut piunasaqaataasullu sinnerlugit, inunnut paasissutissanik annertunerusumik suliaqartannginnissaq ilungersuutigaarput.
- 2.2 Pisut malillugit aammalu tassunga sakkortuumik attuumassuteqartillugu, illit pillutit inunnik paaasissutissanik (aammattaaq taaneqartartunik "inunnut paasissutissat mianernartut) suussutsinik immikuullarissunik suliaqarsinnaavugut. Inunnut paasissutissat taakkua ammip qalipaatanut sumiuussutsimulluunniit, kinguaassiutinut atoqatigeeriaatsinut sumut sammisuuneq aallaavilluunniit pillugit paasissutissanik, inuup politikikkikut arlaannut aalajangersimanermut paasissutissanik, peqqissutsimut (peqqinnermut, nappaatinut, nappaatinik suussusiliifigineqarsimanermut il.il.) paasissutissanik, inuup sulinermut kattuffinnut attaveqarfiinut paasissutissanik imaqarpoq. Inunnut paasissutissat mianernartut taakku tullinnguuttoq siunertaralugu suliarisarpagut: Kommunimi suliasatsinnik naammassinnissinnaajumalluta, innuttatsinnut sullissisinnaajumalluta pitsaasumillu kiffartuussineq ilanngullugu, inunnut paasissutissanik suliaqarnissaq pisariaqarpoq.
- 2.3 Ilinnit aammalu attuumassuteqartillugu aallerfinit allanit ilinnut inuttut paasissutissat katersortarpagut. Innuttaasunit allanit, pisortat oqartussa qarfiinit allanit, suliffeqarfinit pisortallu nalunaarsuisarfiini tikinneqarsinnaasunit illit pillutit inuttut paasissutissat pissarsiarisarpagut.
- 2.4 Qulaani taaneqartunit inunnut paasissutissanik annertunerusunik katersinissamut suliaqarnissamullu pisariaqartitsilissagutta, katersinermi tamanna pillugu

paasissutissiissaagut. Paasissutissiineq aamma Politikkimik matuminnga nutarterinikkut pisinnaavoq.

### **3. Inuttut paasissutissanik suliaqarnermi siunertaasoq**

- 3.1 Kalaallit Nunaanni inuit pillugit paasissutissanut inatsimmut naapertuuttumik inatsisitigut akuerisaasumik siunertalimmik taamaallaat inunnut paasissutissatit suliarisarpagut. Pisut aallaavigalugit inunnut paasissutissat tullinnguuttunut suliarineqarsinnaapput:

Illit inuttut paasissutissavit suliarineqarneranik siunertaasoq tassaavoq, kommunimi suliassamik ilinnut tunngasumik suliarinnissinnaanissarput, taamaaliornikkullu Qeqqata Kommuniani innuttatsinnik pitsaasumik kommunip sullissisinnaanissaa.

### **4. Inuttut paasissutissanik suliarinninnermut inatsisitigut tunngavigisaq**

- 4.1 Kalaallit Nunaanni inuit pillugit paasissutissanut suliarinnittarnermut inatsimmik naapertuuttumik suliaqarnissamat inatsisitigut tunngavissaqarutta, taamaallaat ilinnut inuttut paasissutissat suliarissavagut. Tullinnguuttutigit suliarinnissamat tunngaviit tigussaasut malillugit, inunnut paasissutissat suliarineqartarput:

- (a) Kalaallit Nunaanni inuit pillugit paasissutissanut inatsit, § 6, stk. 1, nr. 1-*mik naapertorlugu inuttut paasissutissanik aalajangersimasunik suliarinnissamat akuersissummik qinnuigisimagutsigit, politikkip matuma naqqani allassimasuni attavissatut paasissutissat atorlugit attaveqarfigaluta akuersissut utertinneqarsinnaajuaannarmat, aammalu akuersissut utertinneqarpat, akuersissut tunngavigalugu inuttut paasissutissat suliarineqartut peerneqassapput, assersuutigaluguli inatsisitigut pisussaaffinnik malitsisinissamat suliarineqarsinnaappata imaluunniit suliarineqassappata.*
- (b) Kalaallit Nunaanni inuit pillugit paasissutissanut inatsit § 6, imm. 1, nr. 2 kingulleq naapertorlugu isumaqatigiissusioreq sioqqullugu nalunaarsorneqartup qinnutiginninneratigut, ingerlatsinissanik naammassinnissamat suliarinninnissaq pisariaqarpat.
- (c) Kalaallit Nunaanni inuit pillugit paasissutissanut inatsit § 6, imm. 1, nr. 3 naapertorlugu inatsit atuuttoq naammassiniarlugu suliarinninnissaq pisariaqarpat.
- (d) Inuiaqatigiit soqutigisaanni suliassamik suliarinninnissamat eqqarsaatiginnilluni imaluunniit pisortat oqartussatut suliarinnittusaanerata ataani inissisimalluni,

peqqueneqarnikuulluta, suliarinnissaq pisariaqarpoq, takuuk Kalaallit Nunaanni inuit pillugit paasissutissanut inatsit § 6, imm. 1, nr. 5 aamma 6.

- 4.2 Attuumassuteqavitsillugu pisariaqavitsillugulu, Kalaallit Nunaanni inuit pillugit paasissutissanut inatsit, § 7, imm. 1-imi inunnut paasissutissat mianernartutut allassimasut suliarineqartarput. Taamaattoqassappallu suliarinninneq Kalaallit Nunaanni inuit pillugit paasissutissanut inatsit, § 7, imm. 2-mit 8 tikillugu akuerisaappata aatsaat pisinnaavoq, matumani pisuni tulliuttuni:
- (a) Kalaallit Nunaanni inuit pillugit paasissutissanut inatsit, § 7, imm. 2, nr. 1 naapertorlugu inuttut paasissutissanik aalajangersimasunik suliarinninnissamut akuersissummik ersarissummik piniareernermi, politikkip matuma naqqani allassimasuni attavissatut paasissutissat atorlugit attaveqarfigaluta akuersissut utertinneqarsinnaajuaannarmat, aammalu akuersissut utertinneqarpat, akuersissut tunngavigalugu inuttut paasissutissat suliarineqartut peerneqassapput, assersuutigaluguli inatsisitigut pisussaaffinnik malitsisinissamut suliarineqarsinnaappata imaluunniit suliarineqassappata.
  - (b) Aammattaaq suliaticigut kattuffeqarnermi attaveqarfigisat pillugit paasissutissanik suliarinninneq pisinnaavoq, inatsisitigut pisussaaffiitta piginnaatitaaffittaluunniit immikkut ittut malinneqarnissaannut suliarinninnissaq pisariaqartinneqarpat, takuuk Kalaallit Nunaanni inuit pillugit paasissutissanut inatsit, § 7, imm. 3.

## 5. Inunnut paasissutissanik ingerlatitseqqiisarneq nuutsisarnerlu

- 5.1 Inatsisikkut ajornartinnagu piumasaqaataatilluguulunniit inunnut paasissutissat taamaallaat ingerlateqqittarpagut, taakkununga ilanngullugu attuumassuteqarpat aamma ilinnit paasissutissanulluunniit akisussaasup tigussaasumik qinnutigippagit.
- 5.2 Inunnut paasissutissanik tiguisussanut tullinnguuttunut ingerlateqqittarpagut:
- (a) AKILERAARUSERIFFIK (naatsorsuutitut nuutsinermut il.il. atatillugu).
  - (b) Aningaaseriviit (aningaasanik ikisinissamut, akiliutinik tiguisinissamut il.il. atatillugu).
  - (c) Paasissutissanik sulialinnut.
- 5.3 Taakku saniatigut pisortat oqartussa qarfiinut allanut, kattuffinnut, suliffeqarfinnut inunnullu illit pillutit inuttut paasissutissat ingerlateqqissinnaavagut, ilinnut

tunggasumik suliamik suliaqarnitsinnut atatillugu attaveqarfiginissaanut uagutsinnut pisariaqarpat.

- 5.4 Sullissinitsinnik tunisassiatsinnilluunniit tunniussinissatsinnik tunniussinissamut ikiunnissamulluunniit suliffeqarfiit avataaneersut ilisimasallilluunniit assigiinngitsut pisiniarfigisartakkatut suleqatigisartakkatulluunniit nalinginnaasumik atortarpagut. Suliffeqarfiit avataaneersut inunnut paasissutissanik tigusaqarusunneq suliaqarusunnerluunniit ajorput, taakkunannga inatsisitigut nuutsinissaq sullissinissarluunniit pisinnaatinnagu. Suliffeqarfiit avataaneersut suleqatigisagulluunniit uagutsinnut paasissutissanik suliarinnittartuuppata, tassunga inatsisitigut piumasaaqatinik naammassinnittuusumut paasissutissanik suliaqarnissamut isumaqatigiisummut naapertuuttumik tamatigut inunnut paasissutissanik suliaqarneq pisarpoq. Suleqatigisat avataaneersut suleqatigisalluunniit namminerisaminnik paasissutissanik akisussaasuuguni, namminneq inuup qanorluunniit pisinnaatitaanissaanik, paasissutissanik illersuineramik, imaluunniit inunnut paasissutissanut politikkerit naapertorlugu inunnut paasissutissanik suliaqassapput, inatsimmi allaanerusumik malitassaqaangippat, avataani suliffeqarfiit tamanna erseqqissaatigissavaat.
- 5.5 Avataani nunanut pingajuusumut nunarsuarluunniit tamakkerlugu suliniaqatigiiffinnut inunnut paasissutissanik nuutsineq ajorput.

## **6. Inunnut paasissutissanik piiaaneq toqqortaateqarnerlu**

- 6.1 Ilinnut inuttut paasissutissat qanoq siviutigisumik paarissanerigut ilinnut suliaq aammalu kommunimi immikkoortortat ataasiakkaat apeqqutaapput. Ilinnut inuttut paasissutissat qanoq siviutigisumik toqqortaatigissanerigut paasiniarlugu, inuttut paasissutissanut politikkip uuma naqqani allassimasuni attaveqarfissatut paasissutissani attaveqarfigisinnaavatsigut.

## **7. Inunnut nalunaarsorneqarsimasunut pisinnaatitaaffiit**

- 7.1 Inuit nalunaarsugaasimasut arlalissuarnik pisinnaatitaaffeqarput ikiuuffigisinnaasatsinnik. Inuttut nalunaarsugaasimasutut pisinnaatitaaffinnik atuerusukkaanni, pineqartup attaveqarfigissavaatigut. Pisinnaatitaaffiit tullinguuttunik imaqarput:
- 7.1.1 Paasissutissanik takunnissinnaatitaaneq (takunnissinnaatitaanermut pisinnaatitaaffik): Pineqartoq pillugu suliarineqartuni paasissutissanik takunnissinnaanermut inuit nalunaarsugaasimasut pisinnaatitaaffeqarput, kiisalu paasissutissanut arlalinnut allanut.

- 7.1.2 Iluarsissuteqarsinnaatitaaneq (iluarsiineq): Imminut tunngasut paasissutissat eqqunngitsut inuit nalunaarsorsimasut iluarsineqarnissaanut pisinnaatitaapput.
- 7.1.3 Peersitsisinnaatitaaneq: Nalinginnaasumik peersinissarput nallertinnagu, inuit nalunaarsorneqarsimasut immikkorluinnaq pisoqartillugu paasissutissat imminnut tunngassuteqartut peerneqarnissaanut pisinnaatitaaffeqarput.
- 7.1.4 Suliarinninnermik killilersuinissamut pisinnaatitaaffik: Inuit nalunaarsorneqarsimasut inuttut paasissutissaminnik suliarineqarnerinut killilersuinissamut pisuni ilaatigooriarlutik pisinnaatitaapput. Inuup nalunaarsorneqarsimasup sullissinermi killilersuinissaq pisimappagu, siunissami - paarinnineq minillugu - akuersissuteqartoqartillugu paasissutissat taamaallaat suliarinnaavagut, imaluunniit inatsisitigut piumasaqaatip aalajangerneqarnissaa siunertaralugu, atuuttussanngortillugu illersugassanngortilluguluunniit, imaluunniit inuk illersorneqarnissaanut inuiaqatigiinnulluunniit soqutigisat pingaarutillit.
- 7.1.5 Akerliliissuteqarsinnaatitaaneq: Inuit nalunaarsugaasimasut pisut ilaanni pineqartup inuttut paasissutissanik uagutsinnut imaluunniit inatsisitigulluunniit suliarinninnernut akeraliisinnaatitaapput.
- 7.2 Nalunaarsugaasimasut pisinnaatitaaffii pillugit Datatilsynet-ip ilitersuutaanni pisinnaatitaaffitit pillugit annertunerusumik atuagaqarsinnaavutit, taakku uani [www.datatilsynet.dk](http://www.datatilsynet.dk) nassaarisinnaavutit.
- 7.3 Qulaani nassuiarneqartut pisinnaatitaaffitit atornissaat kissaatigigukku, Politikkip matuma naanerani allassimasuni attavissatut paasissutissat atussagitit qinnuigineqarputit.
- 7.4 Inuttut paasissutissanik aammalu illit inuttut nalunaarsugaasimasutut piginnaatitaaffinnik suliaqarnerput pillugu kissaatitit naammassinissaannut tamaviaaruteqarpugut. Tamaviaaraluartugut nammagittaalliummik tunniusserusukkuit, tamanna Datatilsynet ([www.datatilsynet.dk](http://www.datatilsynet.dk)) attaveqarfigineratigut pisinnaavoq.
- 8. Politikkimut allannguutit**
- 8.1 Politikkip uuma nutarsarnissaanut allanngortinnissaanullu immitsinnut pisinnaatippugut. Politikki allanngortikkutsigu, allakkap naqqani ullua suliarineqarneralu allanngortissavagut. Annertuunik allannguisoqartillugu, nittartakkatsinni, e-mailimi attaveqarnissamulluunniit atortut allat atorlugit ersarissumik nalunaaruteqarluta nalunaaruteqassaagut.

**9. Attaveqarfissaq**

- 9.1 Politikkimut uunnga apeqqutit oqaaseqaatilluunniit, imaluunniit pisinnaatitaaffimmik ataatsimik arlalinnilluunniit oqaaseqaateqarniarnermi, ugguuna hhol@qeqqata.gl attaveqarfigineqarsinnaavugut.

Una saqqummiussat aapparivaat, kingullermi nutarterneqarpoq 28.10.2021.

Ikinngutinnersumik Inuulluaqqusillunga

Qeqqata Kommunia